


# Biblia alang sa Kabataan

motanyag



Ang Babaye  
nga Nabuhi  
Kaduha



Gisulat ni: Edward Hughes

Gihulagway ni: Janie Forest  
Alastair Paterson

Gipahaom ni: Ruth Klassen

Gihubad ni: Mel Lorell Abugho,  
Cheryn Mabano Abugho

Gipagawas sa: Bible for Children  
[www.M1914.org](http://www.M1914.org)

©2024 Bible for Children, Inc.

Pagtugot: Mahimo kang mokopya o mopatik niini  
nga estorya, ayaw lang ibaligya.



Si Jairo maoy usa ka Hudiyong lider sa relihiyoso nga nagsimba sa Diyos ug nagtudlo sa Pulong sa Diyos ngadto sa uban. Usa ka adlaw, miabot kay Jairo ang makalilisang nga kasamok.




Ang iyang minahal nga anak nga babaye, dose anyos pa lang ang pangidaron, nasakit. Morag walay makatabang kaniya. Kini usa ka dili maayo nga sakit. Nasayod si Jairus nga ang babaye himatyon na.



Usa ra ka tawo ang makatabang sa anak nga babaye ni Jairo. Si Jairo miadto sa pagpangita kang Jesus ug dad-on Siya balik sa iyang balay.



Lagmit nahibalo si Jairo nga ang iyang relihiyosong mga higala wala mouyon kang Jesus. Apan wala manumbaling si Jairus. Kinahanglan siyang mangayo dayon og tabang sa dili pa mamatay ang



iyang anak nga babaye.



Nakita ni Jairo si  
Jesus nga gilibotan  
sa mga  
tawo.



Miluhod siya  
sa tiilan ni  
Jesus. "Ang  
akong gamay  
nga anak nga  
babaye  
naghigda sa  
punto sa  
kamatayon,"  
ang desperado  
nga tawo  
nagpakiluoy.





"Umari ka  
ug itapion  
ang imong  
mga kamot  
kaniya aron  
mamaayo  
siya, ug  
mabuhi  
siya."









Si Jesus miuban kang Jairo. Apan dili sila makalihok dayon tungod sa kadaghan sa mga tawo. Usa ka babaye nasakit pag-ayo sulod sa dose ka tuig. Niadto na siya sa tanang mga doktor (ug migasto sa tanan niyang kuwarta) nga walay tabang. Oh, gusto niya nga makita si Jesus!





Unsa may mahimo sa babaye? "Kon makahikap lang ako sa Iyang mga bisti, mamaayo ako," mibagulbol ang babaye. Miduol siya kang Jesus. Unya, gituy-od niya ang iyang kamot, gihikap niya ang kupo ni Jesus.






Usa ka milagro! USA KA MILAGRO! Naayo ang babaye. Diha-diha dayon! Hingpit! Nahibal-an niya nga siya maayo na ug kusgan ug bug-os. Apan dihay tingog nga misulti. "Kinsa ang mihikap Kanako?" Nangutana si Jesus. Ang mga panon sa katawhan mihikap Kaniya. Apan ang babaye nga naayo nahibalo nga gusto Niya nga isulti niya kini Kaniya. Maulawon, gisultihan niya Siya sa tibuok niyang istorya.



Ug unya lang, nangabot ang mga sulugoon gikan sa balay ni Jairo. Ang ilang mga nawong lagmit nagsulti sa makapasubo nga hitabo sa wala pa sila mostorya.



"Patay na ang imong anak!"  
gisultihan nila si Jairo.  
Patay! Ulahi na kaayo.  
Tingali, kung wala pa  
nalangan ang mga butang  
nga nabuhat sa babaye ...  
tingali, kung ... Patay!  
Nawala ang bilihong  
batang babaye ni Jairus.



Sa pagkadungog ni Jesus niini, Siya mitubag, "Ayaw kahadlok; salig lamang, ug siya mamaayo." Ug unsa kalisud ngadto kang Jairus na tuhoan si Jesus. Ang

iyang anak nga babaye patay na.



Sa balay, ang tanan nanghilak ug nagbangotan  
alang sa babaye. "Siya dili patay, kon dili natulog  
lang," giingnan sila ni Jesus. Gikataw-an nila Siya.

Nasayod sila nga patay  
na ang babaye.



Gipagawas silang tanan ni Jesus, gigunitan niya ang kamot sa batang babaye ug miingon, "Gamay na babaye, bangon." Si Jairus naa didto. Anaa usab ang iyang asawa. Tulo sa mga disipulo ni Jesus naa didto usab. Nakadungog silang tanan sa mga pulong ni Jesus. Madungog ba usab sila sa gamay nga patay nga batang babaye?




Ang patay nga batang babaye  
nakadungog sa sugo  
ni Jesus! Ang i  
yang espiritu  
mibalik, ug siya  
mibangon  
dihadiha.  
Gibanhaw  
siya ni Jesus  
gikan sa  
mga patay.





Natingala ang mga ginikanan sa babaye. Giingnan sila ni Jesus na hatagan ang babaye ug makaon. Unsa ka malipayon ang ilang gibati; unsa ka mapasalamaton kang Jesus. Ang iyang talagsaong gugma ug gahom mipabalik sa ilang anak nga babaye gikan sa kamatayon.



# Ang Babaye nga Nabuhi Kaduha

Estorya gikan sa Pulong sa Dios, ang Biblia,

makita sa

Marcos 5, Lucas 8


"Ang pag-abot sa Imong mga Pulong  
nagahatag og kahayag." Salmo 119:130



# Ang Kataposan



49



60



Kini nga estorya gikan sa Biblia nagasulti kanato bahin sa kahibulongan nga Dios nga nagbuhat kanato ug gusto Niya nga kita makaila Kaniya.

Nahibalo ang Dios nga nakabuhat kitag daghang daotan. Gitawag Niya kini nga sala. Kamatayon ang silot sa sala. Pero nahigugma pag-ayo ang Dios kanato. Iyang gipadala ang bugtong Niyang Anak nga si Jesus aron mamatay sa Krus ug silotan tungod sa imong mga sala. Unya nabanhaw si Jesus ug mibalik sa Langit! Kon motuo ka kang Jesus ug mohangyo nga pasayloon ka sa imong mga sala, himoon kana Niya! Moanha Siya ug mopuyo sulod kanimo karon, ug mopuyo ka uban Kaniya hangtod sa kahangtoran.

Kon motuo ka nga kini ang tinuod, ingna ang Dios:  
Ginoong Jesus, ako nagatuo nga Ikaw Dios, ug nahimong tawo aron mamatay alang sa akong mga sala, ug karon Ikaw nabuhi pag-usab.

Anhi sa akong kinabuhi ug pasayloa ang akong mga sala, aron mabag-o ang akong kinabuhi karon, ug unya makig-uban ako Kanimo hangtod sa kahangtoran. Tabangi ako nga motuman Kanimo ug magkinabuhi alang Kanimo ingon nga Imong anak. Amen.

Basaha ang Biblia ug pakigsulti sa Dios kada adlaw! Juan 3:16

